

# CABINET CYNGOR GWYNEDD



## Adroddiad i gyfarfod Cabinet Cyngor Gwynedd

<b>Dyddiad y cyfarfod:</b>	28 Mawrth 2017
<b>Aelod Cabinet:</b>	Y Cyngorydd Mandy Williams-Davies Aelod Cabinet dros yr Economi a Chymuned
<b>Swyddog Cyswllt:</b>	Dylan Griffiths Rheolwr Strategaeth a Datblygu, Adran Economi a Chymuned
<b>Rhif Ffôn Cyswllt:</b>	01286 679611 (32611)
<b>Teitl yr Eitem:</b>	<b>Cynllun y Cyngor 2017-18: adnoddau i ymestyn y cynllun 'Swyddi gwerth uchel ac o ansawdd' (prosiect E2)</b>

### 1. PENDERFYNIAD A GEISIR

Ymrwmo £117,000 o gyllid ychwanegol, a pharhau'r gweddillion y cyllid sydd eisoes wedi ei ddyrannu, ar gyfer ymestyn y cynllun 'Swyddi gwerth uchel ac o ansawdd' ar gyfer 2017-18 i wireddu ymrwymadau sy'n rhan o Gynllun y Cyngor 2017-18..

### 2. Y RHESWM DROS YR ANGEN AM BENDERFYNIAD

Mae ymrwmo adnoddau o'r Gronfa Trawsffurfio yn fater i'r Cabinet.

### 3. CYFLWYNIAD

Mabwysiadodd y Cyngor llawn, 'Cynllun y Cyngor 2017-18' ar yr 2<sup>il</sup> o Fawrth 2017.

Adnabwyd y cynllun 'Swyddi gwerth uchel ac o ansawdd' fel un o'r cynlluniau i wella oedd angen adnoddau ychwanegol er mwyn parhau i fedru cyflawni eu hymrwymadau os y'i hymestynnir am flwyddyn ychwanegol.

Cafodd 'Swyddi gwerth uchel ac o ansawdd' ei gynnwys yn rhan o Gynllun y Cyngor felly yn amodol ar gytundeb gan y Cabinet i'w ariannu.

### 4. RHESYMEG A CHYFIAWNHAD DROS ARGYMELL Y PENDERFYNIAD

# CABINET CYNGOR GWYNEDD



Pwrpas y cynllun yw gweithio'n rhagweithiol er mwyn creu'r amodau cywir i ddatblygu swyddi gwerth uchel ac o ansawdd yng Ngwynedd gan ymateb i gyfartaledd isel cyflogau yn y sir.

Mae'r prosiect yn:

1. *Denu mewnfuddsoddiad o ansawdd i'r sir* drwy hyrwyddo a marchnata Gwynedd i sectorau penodol; magu perthynas a darparu cefnogaeth arbenigol i ddarparu fuddsoddwyr a lobio Llywodraeth y DU a Llywodraeth Cymru i sicrhau eu bod yn cefnogi buddsoddiad yng Ngwynedd.
2. *Cefnogi busnesau cynhenid i sefydlu a thyfu* o fewn sectorau gwerth uwch drwy ddarparu cyngor a chymorth arbenigol i fusnesau a hyrwyddo'r ddarpariaeth gan eraill megis Llywodraeth Cymru. Mae'r cynllun hefyd yn cefnogi busnesau lleol i rwydweithio a chydweithio i atgyfnerthu eu sectorau.
3. *Sicrhau fod y sgiliau cywir o fewn y gweithlu lleol* i gael gwaith sy'n talu'n dda o fewn y sectorau gwerth uwch drwy hwyluso datblygu cysylltiadau rhwng busnesau a sefydliadau addysg (ysgolion, uwch a phellach).

Dyma grynhoi uchafbwyntiau a phrif ddeilliannau'r prosiect hyd yn hyn:

- Sicrhau dynodi safleoedd atomfa Trawsfynydd a maes awyr Llanbedr yn Ardal Fenter Eryri gan Lywodraeth Cymru (yn un o ddim ond wyth Ardal Fenter yng Nghymru).
- Sicrhau parhad di-dor y rhaglen dadgomisiynnu yn Atomfa Trawsfynydd gan warchod 250 o swyddi gwerth uwch am gyfnod estynedig.
- Sicrhau dros £1.5m o fuddsoddiad gan Lywodraeth Cymru, a buddsoddwyr preifat yn isadeiledd maes awyr Llanbedr (Canolfan Awyrfod Eryri) a datblygiad cynlluniau pellach i fuddsoddi'n sylweddol yn y safle gan gynnwys sicrhau mynedfa newydd.
- Sicrhau dynodiad Canolfan Awyrfod Eryri yn un o 6 o safleoedd a ffafirir gan Lywodraeth y DU ar gyfer sefydlu porth gofod.
- Cefnogi sefydlu a datblygu rhwydweithiau busnes yn y sectorau digidol (Tec Gogledd Cymru a Grŵp Busnesau Technoleg Parc Menai) a'r diwydiannau creadigol (Gogledd Creadigol), sydd yn dwyn dros 200 o fusnesau ynghyd.
- Sbarduno'r cynllun 'Byw a Bod Digidol' gan Arloesi Gwynedd Wledig i godi ymwybyddiaeth o'r cyfleoedd i blant a phobl ifanc Gwynedd o fewn y sector digidol yn y sir.
- Datblygu gwedd newydd o'r cynllun Llwyddo'n Lleol fydd yn cefnogi plant a phobl ifanc i astudio pynciau yn gysylltiedig â gwyddoniaeth, technoleg a pheirianeg.
- Er yn gynllun hirdymor, rydym eisoes wedi cefnogi dros 100 o ddarpar fuddsoddwyr yn y sir gan arwain at greu 76 o swyddi gwerth uwch ledled Gwynedd.

Byddai sicrhau'r adnoddau i ymestyn y cynllun yn cyflawni'r canlynol erbyn Mawrth

# CABINET CYNGOR GWYNEDD



2018:

- Datblygu'r pecyn o weithgareddau arloesol i ddenu mewnfuddsoddiad i Wynedd, drwy dargedu busnesau o fewn y sectorau arwyddocaol sydd wedi'u hadnabod gan roi sylw arbennig i safleoedd Ardal Fenter Eryri yn Nhrawsfynydd a Llanbedr
- Cefnogi nifer o ddarpar fuddsoddwyr gan sicrhau'r budd mwyaf i Wynedd o'r datblygiadau
- Datblygu'r clystyrau busnes yn y sectorau targed a adnabuwyd
- Dechrau gweithredu rhaglen newydd i gefnogi pobl ifanc i astudio pynciau yn gysylltiedig â gwyddoniaeth, technoleg a pheirianeg o dan faner Llwyddo'n Lleol
- Cydweithio gyda Bwrdd Uchelgais Economaidd Gogledd Cymru a'r rhaglen Ynys Ynni er mwyn sicrhau budd i bobl Gwynedd o ddatblygu Wylfa Newydd

Mae dros 2,000 o swyddi gwerth uwch ynghlwm â'r datblygiadau rydym yn gweithio i ddenu i'r sir yn y tymor canolig / hir.

Bydd derbyn cyllid pellach gan y Cyngor i gyd-fynd â chyfnod newydd y cynllun strategol, yn caniatáu parhad cyflogaeth y tîm swyddogion sy'n gwireddu'r cynllun, cynnal gwasanaeth yr arbenigwyr maes sy'n cefnogi buddsoddwyr arfaethedig yng Ngwynedd a pharhad ein hymdrechion i ddenu buddsoddiad pellach i'r sir. Bydd yr Adran Economi a Chymuned, yn unol â'i arfer, hefyd yn chwilio i ddefnyddio adnoddau'r Cyngor i ddenu arian gan eraill megis Llywodraeth Cymru a'r Awdurdod Dadgomisiynnu Niwclear i gynyddu ac ymestyn ein hymdrechion yn y maes.

## 5. CAMAU NESAF AC AMSERLEN

Petai'r Cabinet yn ymrwymo adnoddau pellach i'r cynllun, bydd yn parhau hyd at ddiwedd Cynllun y Cyngor 2017-18 ar 31 Mawrth 2018.

## 6. UNRHYW YMGYNGHORIADAU A GYNHALIWYD CYN ARGYMELL Y PENDERFYNIAD

Ymgynghorwyd yn anffurfiol ag aelodau'r Cabinet ac uwch swyddogion ynglŷn â pharhad y cynllun cyn cyflwyno'r mater i'r Cabinet am benderfyniad.

### Sylwadau'r Prif Swyddogion

#### Y Prif Weithredwr

'Mae pedwar cais am arian ynghlwm â'r papurau hyn, oll yn ymwneud ag ymrwymadau yn y Cynllun Strategol newydd. Yn amlwg, mae dau yn gymharol fychan

# CABINET CYNGOR GWYNEDD



a dau ohonynt yn fwy. Yn amlwg, y nod gyda chynlluniau o'r fath yw y dylid ceisio eu hariannu o arian sydd eisoes yn ei le. Deallaf nad oes adnoddau ar gael ar gyfer y gofynion hyn. Fodd bynnag, awgrymir dyrannu'r arian hwn am flwyddyn yn unig er mwyn adolygu a ellir ail-gyfeirio adnoddau mwy parhaol ar gyfer gofynion y cynlluniau hyn os oes angen eu parhau ar ôl i'r adnoddau unwaith ac am byth sydd ar gael ddod i ben.'

## **Y Prif Swyddog Cyllid**

'Bydd sawl angen / defnydd haeddiannol yn cystadlu am adnodd prin y Gronfa Trawsffurfio, a mater i aelodau'r Cabinet fydd blaenoriaethau'r ceisiadau perthnasol.

Yn y Cyngor llawn ar yr 2<sup>il</sup> o Fawrth 2017, pryd cymeradwywyd "bidiau" am adnoddau ychwanegol i gwrdd â phwysau anorfod ar wasanaethau, nodais fod prif flaenoriaethau'r Cyngor, materion datblygol er mwyn gwneud gwahaniaeth, i'w hariannu a'u comisiynu drwy drefn y 'Cynllun Strategol'. Mater i aelodau'r Cabinet, gydag arweiniad y Prif Weithredwr, yw blaenoriaethu'r defnydd o'r Gronfa Trawsffurfio i'r perwyl hyn.

Wedi penderfyniad y Cabinet ar 22 Tachwedd 2016 i gymeradwyo trosglwyddo £635k i'r Gronfa Trawsffurfio, cadarnhaf fod darpariaeth ddigonol i wireddu'r cynlluniau sydd wedi'u cyflwyno am ystyriaeth i gyfarfod 28 Mawrth 2017 y Cabinet, a bod arian pellach wrth gefn ar gyfer rhai prosiectau eraill allasai amlygu / aeddfedu a chyrraedd y Cabinet am gymeradwyaeth eto.'

## **Y Swyddog Monitro**

'Fel y nodir yn yr adroddiad mae'r argymhellion yma yn deillio o ymrwymïadau sydd yng Nghynllun y Cyngor ar gyfer 2017-18 ac yn gynnigion priodol a rhesymegol'